

UNIVERZITET U NOVOM PAZARU

Savjet Univerziteta

Broj: 2102/25/V-2

Novi Pazar, 25.12.2025. godine

Na osnovu člana 63. Zakona o visokom obrazovanju („Sl. glasnik RS“ br. 88/2017, 73/2018, 27/2018 – dr. zakon, 67/2019, 6/2020 - dr. zakoni, 11/2021 – autentično tumačenje, 67/2021, 67/2021 - dr. zakon, 76/2023 i 19/2025), člana 3. Pravilnika o standardima i postupku za samovrednovanje i ocjenjivanje kvaliteta visokoškolskih ustanova i studijskih programa („Sl. glasnik RS“ br. 13/19 i 78/24) i čl. 44. Statuta Univerziteta u Novom Pazaru, a na prijedlog rektora Univerziteta, Savjet Univerziteta na 1. Sjednici akademskoj 2025/2026. godini, održanoj dana 25.12.2025. godine, donosi:

STRATEGIJU OSIGURANJA KVALITETA UNIVERZITETA U NOVOM PAZARU

1. UVOD

Strategija osiguranja kvaliteta je strateški razvojni dokument iz oblasti osiguranja kvaliteta visokog obrazovanja na Univerzitetu u Novom Pazaru koja definiše osnovne prioritete visokog obrazovanja u oblasti osiguranja kvaliteta, kao i način njihovog ostvarenja.

Ovaj dokument će se periodično preispitivati i mijenjati, odnosno dopunjavati i služiti kao osnov za izradu akcionih planova u oblasti osiguranja kvaliteta (kratkoročnih, srednjoročnih i dugoročnih).

2. MISIJA

Univerzitet u Novom Pazaru ima misiju da omogući najviše akademske standarde i osigura sticanje znanja i vještina u skladu sa planovima i programima studija I, II i III stepena.

Misija visokog obrazovanja jeste da kroz organizovane studije i istraživanja neprekidno obavlja transfer i kreiranje naučnih znanja i stručnih kompetencija kojima se omogućava, u prvom redu, socijalni, kulturni, ekonomski i drugi napredak naše zemlje i njenih građana, u stalno promjenljivim okolnostima života i razvoja.

3. CILJEVI

Cilj izrade strategije osiguranja kvaliteta jeste ostvarivanje Zakonom postavljenih ciljeva visokog obrazovanja i vizije daljeg razvoja visokog obrazovanja na Univerzitetu. Univerzitet postavlja sljedeće ciljeve:

- kontinuirani rad na ostvarivanju i stalnom unapređenju kvaliteta visokog obrazovanja na Univerzitetu;
- poboljšanje kvaliteta studijskog programa, nastave i uslova rada;
- poboljšanje naučnoistraživačkog rada nastavnog osoblja;
- osiguranje kvaliteta i to prevashodno uvođenjem mehanizma vrednovanja koji će osigurati visok nivo kvaliteta nastave i naučnoistraživačkog rada, kao i ukupnog ishoda obrazovnog procesa;
- stvaranje uslova za interdisciplinarne i multidisciplinarne studijske programe, primjerene potrebama tržišta rada;
- stvaranje uslova za pokretanje programa učenja na daljinu;
- uključivanje studenata kao partnera u proces visokog obrazovanja;
- promovisanje mobilnosti studenata, nastavnika i saradnika;
- razvoj obrazovanja tokom čitavog života;
- poboljšanje organizacije rada i procesa upravljanja na Univerzitetu;
- stvaranje nastavnog podmlatka;
- stalno unapređenje znanja zaposlenih;
- povećanje obima i vrsta usluga;
- povećanje efikasnosti sistema visokog obrazovanja i prohodnosti studiranja;
- povećanje doprinosa akademskom životu Univerziteta i doprinosa lokalnoj i nacionalnoj zajednici;
- zaključivanje ugovora sa strateškim partnerima iz regiona, evropske i međunarodne zajednice; – potpuna digitalizacija poslovnih i nastavnih procesa kroz implementaciju integrisanih informacionih sistema (FIS) i platformi za e-učenje (LMS); – usklađivanje sistema menadžmenta sa međunarodnim standardima (ISO 21001) i standardima informacione bezbjednosti (ISO 27001).

4. POLAZNE OSNOVE

Polaznu osnovu za izradu Strategije osiguranja kvaliteta Univerziteta u Novom Pazaru čine sljedeća dokumenta:

- Lisabonska konvencija o priznavanju kvalifikacija visokoškolskog obrazovanja u evropskoj regiji;
- Bolonjska deklaracija;
- Praški komunique;
- Strategija razvoja obrazovanja u Srbiji do 2030. godine;
- Zakon o visokom obrazovanju;
- Pravilnik o standardima za samovrednovanje i ocjenjivanje kvaliteta visokoškolskih ustanova;
- Pravilnik o standardima i postupku za spoljašnju provjeru kvaliteta visokoškolskih ustanova;

- Pravilnik o standardima i postupku za akreditaciju visokoškolskih ustanova i studijskih programa;
- Statut Univerziteta u Novom Pazaru;

5. MJERE ZA OSIGURANJE KVALITETA

Univerzitet u Novom Pazaru predviđa sljedeće mjere za osiguranje kvaliteta:

5.1. UTVRĐIVANJE OBLASTI OSIGURANJA KVALITETA:

- studijski programi;
- nastava;
- nastavno osoblje;
- istraživanje;
- ocjenjivanje studenata;
- udžbenici i literatura;
- biblioteka;
- informacioni i softverski resursi;
- prostor i oprema;
- nenastavno osoblje;
- proces upravljanja;
- javnost rada.

5.2. OBAVEZNO SAMOVREDNOVANJE I OCJENA KVALITETA STUDIJSKIH PROGRAMA I USTANOVE:

- u skladu sa standardima Nacionalnog savjeta za visoko obrazovanje, u trogodišnjim intervalima, odnosno po potrebi i u kraćim intervalima, u skladu sa opštim aktom Univerziteta;

5.3. SPOLJAŠNJA PROVJERA KVALITETA:

- u skladu sa standardima Nacionalnog savjeta za visoko obrazovanje koje sprovodi Komisija za akreditaciju i provjeru kvaliteta, kao i odgovarajuće tijelo Univerziteta ili druga institucija koju angažuje Univerzitet;

5.4. REAKREDITACIJA I AKREDITACIJA STUDIJSKIH PROGRAMA:

- u skladu sa standardima Nacionalnog savjeta za visoko obrazovanje Republike Srbije;

5.5. POVEZIVANJE OBRAZOVNOG, STRUČNOG I NAUČNO-ISTRAŽIVAČKOG RADA:

- čiji se sadržaji i rezultati, odnosno znanja koriste u nastavnom procesu;
- Univerzitet će posebno jačati mehanizme saradnje sa privredom kroz Centre, poput Centra za preduzetništvo i inovacije (CEI) i Inovacionog inkubatora, organizovanjem stručnih praksi, „crowdfunding“ inicijativa i mentorskih radionica sa ekspertima i stručnim udruženjima.

5.6. MEĐUNARODNA SARADNJA u sljedećim oblastima:

- izvođenje zajedničkih studijskih programa;
- realizacija zajedničkih projekata;

- izdavačka djelatnost;
- razmjena nastavnika i saradnika;
- razmjena studenata i dr.

5.7. USPOSTAVLJANJE STALNE SARADNJE

- sa poslodavcima i diplomiranim studentima u cilju dobijanja povratne informacije o kvalitetu studijskog programa i kompetencija koje su stekli studenti završetkom studija (primjena stečenih znanja u praksi).

5.8. UNAPRJEĐENJE RADA KOMISIJA

- koje se bave praćenjem i kontrolom kvaliteta na Univerzitetu i uključivanje svih subjekata osiguranja kvaliteta (stručnih organa, studenata i nenastavnog osoblja). Komisije podnose izvještaj Senatu Univerziteta u Zakonom propisanom roku.

5.9. OBAVEZA OBJAVLJIVANJA

- rezultata vrednovanja kvaliteta na internet stranici Univerziteta i na oglasnim tablama Univerziteta.

5.10. OBAVEZA DA STALNO PROMOVIŠE I IZGRAĐUJE KULTURU KVALITETA

- na Univerzitetu i da u skladu sa finansijskim mogućnostima osigura stručna usavršavanja osoblja koje aktivno učestvuje u ovim procesima.

5.11. DIGITALIZACIJA I INFORMACIONA BEZBJEDNOST

- Univerzitet sprovodi mjere zaštite informacionog sistema imenovanjem Koordinatora za inovacije zaduženog i za sajber-bezbjednost, redovno ažuriranje zaštitnih protokola i sigurnost podataka i servera za informacioni sistem FIS, Moodle sistem (LMS).

5.12. NAUČNA VIDLJIVOST I IZDAVAŠTVO

- Unaprjeđenje kvaliteta naučnih časopisa Univerziteta kroz primjenu Open Journal Systems (OJS) platforme (<https://publikacije.uninp.edu.rs/>) i
- indeksiranje časopisa kroz svjetske referentne baze (DOAJ, SCI indeks Srbije, ERIH+, EBSCO, SCOPUS i WOS);
- podsticanje objavljivanja u časopisima M51 kategorije i M20 kategorijama WoS/Scopus indeksiranim bazama;
- podsticanje objavljivanja i organizaciji međunarodnih i nacionalnih naučnih konferencija;
- podsticanje pisanja monografija, Univerzitetskih udžbenika, knjiga, praktikuma.

5.13. UNAPRJEĐENJE INFRASTRUKTURE

- Kontinuirano ulaganje u laboratorijske kapacitete za tehničko-tehnološke, prirodne, ekonomske, računarske, pravne, pedagoško-psihološke i ostale multi-disciplinarne nauke;
- Kontinuirano ulaganje u renoviranje postojećih učioničkih prostora i osavremenjavanje amfiteatara i prostora za praktičan rad studenata (ateljei, galerija, inovacioni inkubatori).

6. AKCIONI PLAN


Za sprovođenje ove strategije Odbor za osiguranje i unaprjeđenje kvaliteta Univerziteta će sačiniti akcione planove u kojima će se bliže utvrditi aktivnosti koje će se preduzeti sa rokovima za izvršenje, kao i izvršioci za sprovođenje tih mjera.

7. ZAVRŠNI DIO

Ovu Strategiju objaviti na oglasnim tablama Univerziteta.

Dostavljeno:

- Rektor;
- Članovima Savjeta;
- Arhivi.

PREDSJEDNIK SAVJETA

dr. Rešad Plojović

